



PEKELILING AKADEMIK BILANGAN 15 TAHUN 2020

PEMAKLUMAN MENGENAI KEBENARAN PELAJAR UNTUK PULANG KE KAMPUS UNIVERSITI TEKNIKAL MALAYSIA MELAKA

Pejabat Pendaftar
10 OGOS 2020

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)
Pegawai-Pegawai Kanan
YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTeM.02.12.04/100-3/14 (4)

10 Ogos 2020

PEKELILING AKADEMIK BIL. 15/2020

PEMAKLUMAN MENGENAI KEBENARAN PELAJAR UNTUK PULANG KE KAMPUS UNIVERSITI TEKNIKAL MALAYSIA MELAKA

1.0 TUJUAN

Pekeling Akademik ini bertujuan untuk memaklumkan kepada semua staf dan pelajar mengenai keputusan Universiti untuk memberi kebenaran kepada pelajar prasiswazah dan pascasiswazah kembali ke Universiti Teknikal Malaysia Melaka.

2.0 LATAR BELAKANG

- 2.1 Kerajaan Malaysia telah mengisytiharkan Perintah Kawalan Pergerakan (PKP) yang bermula pada 18 Mac hingga 12 Mei 2020 bagi mengelakkan penularan wabak COVID-19.
- 2.2 Berikutan pelanjutan Perintah Kawalan Pergerakan (PKP) yang diumumkan oleh Kerajaan sehingga 12 Mei 2020 dan arahan Kementerian Pengajian Tinggi (KPT) yang melarang perkuliahan diadakan secara bersemuka (*Face to Face (F2F)*) sehingga bulan Disember 2020. Universiti telah bersetuju untuk melaksanakan aktiviti Pengajaran dan Pembelajaran (PdP) secara dalam talian (*online learning*) pada Semester II Sesi 2019/2020 bagi mengawal penularan wabak tersebut.
- 2.3 UTeM telah menyediakan platform PdP secara dalam talian bagi memastikan pelajar tidak ketinggalan dan terjejas bagi menyambung pengajian pada Semester II Sesi 2019/2020 yang bermula pada 4 Mei 2020.

- 2.4 Pada 10 Mei 2020, Kerajaan telah memutuskan untuk melanjutkan Perintah Kawalan Pergerakan Bersyarat (PKPB) sehingga 9 Jun 2020 kerana masih ada lagi langkah-langkah yang perlu diambil Kerajaan untuk memerangi COVID-19. Seterusnya Kerajaan melanjutkan pula Perintah Kawalan Pergerakan Pemulihan (PKPP) sehingga 31 Ogos 2020.
- 2.5 Sehubungan dengan itu, pihak KPT melalui surat bertarikh 3 Jun 2020 telah mengeluarkan surat berkenaan Prosedur Operasi Standard (SOP) bagi Pengurusan Operasi dan Pengendalian Aktiviti Akademik Di Kampus Institusi Pendidikan Tinggi (IPT) Semasa dan Pasca Perintah Kawalan Pergerakan (PKP). Surat ini memaklumkan mengenai kategori pelajar berkeperluan yang dibenarkan pulang ke kampus secara berperingkat seawal 1 Julai 2020.
- 2.6 Seterusnya, KPT telah mengeluarkan surat bertarikh 16 Julai 2020 bagi mengemaskini tambahan kepada kategori pelajar yang dibenarkan pulang ke kampus IPT secara berperingkat dengan tambahan kepada kategori pelajar ini.

3.0 KEBENARAN PELAJAR KEMBALI KE UNIVERSITI MENGIKUT KATEGORI DI PERINGKAT PRASISWAZAH DAN PASCASISWAZAH SEAWAL JULAI 2020

- 3.1 Mesyuarat Senat Bilangan 4/2020 yang bersidang pada 22 Julai 2020 telah bersetuju memberi kelulusan tambahan kategori pelajar yang dibenarkan kembali ke kampus seperti di **Jadual 1**.
- 3.2 Semua pelajar perlu mematuhi SOP yang telah ditetapkan oleh Universiti sepanjang berada di kampus.



Jadual 1 : Kategori pelajar yang dibenarkan kembali ke kampus

BIL	STATUS PELAJAR	KATEGORI	TARIKH KEMBALI/ MENDAFTAR DI KAMPUS
1	Pelajar Tahun Akhir	Pelajar Tahun Akhir yang menjalani Semester Khas / PSM / IDP	20 Julai 2020
2	Pelajar Berkeperluan Khas	Pelajar Kelainan Upaya (OKU)	20 Julai 2020
3	Pelajar Tahun 1	Pelajar Baharu Program Diploma	10 Ogos 2020
4	Pelajar Tahun 1	Pelajar Baharu Program Ijazah Sarjana Muda dan Pascasiswazah	5 Oktober 2020
5	Pelajar Kanan	Semua pelajar kanan program Diploma, Ijazah Sarjana Muda dan Pascasiswazah	12 Oktober 2020

4.0 TARIKH KUAT KUASA

Kebenaran pelajar kembali ke kampus mengikut kategori yang dibenarkan di peringkat prasiswazah dan pascasiswazah ini berkuat kuasa mulai **22 Julai 2020**.

Sekian, terima kasih.

“BERKHIDMAT UNTUK NEGARA”
“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT

Ketua Pegawai Operasi
Universiti Teknikal Malaysia Melaka